



NORTH DAKOTA
DEPARTMENT *of* HEALTH

Bacanje ostataka hrane

Zbog nedavne poplave hrana koju imate kod kuće možda više nije dobra za ishranu ili zato što su posude za hranu oštećene, ili zato što su frižider ili zamrzivač bili bez struje nekoliko dana. Raspadanje ostataka hrane može predstavljati opasnost po zdravlje i privući glodare i druge štetočine. Kada bacate ostatke hrane slijedite ova uputstva:

- Nemojte čuvati nikakvu hranu koja može biti pokvarena ili zaražena, što uključuje:
 - hranu iz frižidera i zamrzivača, u što spadaju kečap, senf, kiseli krastavci, džem, mesni naresci za sendviče, mlijeko, sokovi itd.
 - suhu hranu u oštećenim posudama.
- Ostatke hrane stavite u plastične kese i bacite ih.
- **Ako niste sigurni, bacite je!**

Kada čistite frižider i zamrzivač slijedite ova uputstva:

- Sve uklonite iz frižidera ili zamrzivača.
- Koristite papirne ubruse ili krpe da obrišete ono što se prosulo ili iscurilo i bacite ih skupa sa ostacima hrane.
- Frižider ili zamrzivač operite jakim otopinom sredstva za izbjeljivanje (varkine). U 4,5 litra (1 galon) vode uspite 1½ šolju sredstava za izbjeljivanje. Ako Vam je koža osjetljiva i može joj smetati rastvor sa sredstvom za izbjeljivanje, koristite rukavice od lateksa ili gume.
- Uređaj operite toplom vodom sa deterdžentom.
- Za uklanjanje mirisa, uređaj obrišite mješavinom vode i sode bikarbone ili u njega stavite kutiju sa sodom bikarbonom. Možda ćete takođe htjeti da provjetrite uređaj nekoliko dana prije nego nego što ga uključite i počnete ga ponovo koristiti.

Ako imate bilo kakvih pitanja u vezi ostataka hrane, molimo Vas nazovite Ministarstvo zdravlja u Sjevernoj Dakoti na (701) 328-1291.